



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrug, 1696]

X. Patronum anni, mensis, nominis.

Nutzungsbedingungen

[urn:nbn:de:hbz:466:1-55025](#)

• (27) •

PRAXIS X.

*Colendi Patronum anni, mensis,
nominis.*

Quemadmodum Tobias junior, ita & quilibet Religiosus, qui ad hæreditatem paternam capiendam, & iter in cœlum dirigendum mittitur; indiget viæ comite fidelissimo, qui eum in hac peregrinatione ducat, doceat, defendat. Quis verò erit ille? *Ad aliquem Sanctorum convertere*, ait Job. c. 5. ut igitur hujus Sancti patroni tutelam obtineas.

I. Ultimo die anni vel mensis, Deum roga, ut talem tibi Patronum destinet, ob cuius intercessionem vult profectū tuum augere & suas tibi miserationes elargiri.

II. Sanctum tibi in tutelam designatum cum debita gratiarum actione, tanquam à Deo deputatum devotè & reverenter suscipe. Et primâ occasione necessitates tuas ei expone & commenda, & instar Jacob, cum eo non brachiis, sed precibus luctare, nec desine, donec benedictionem consequaris.

III. Sanctum tuum tutelarem quotidi-

die minimum bis manè scilicet & vesperi
ora, ut protectione sua tibi assistat & 1.
Ad meditationem rerum cœlestium lu-
men impetrat. 2. Desideria & preces tuas
Domino, cui semper adstat repræsentet.
3. In necessitatibus, temptationibus & pe-
riculis succurrat.

IV. Obsequia, quæ in honorem cœle-
stis Advocati prestari possunt, sunt sequen-
tia. 1. Diem festum ejus jejunio vel absti-
nentia peculiari præveni. 2. Vitam ejus
aut saltem partem lege. 3. Si possis, sacram
synaxin frequenta, aut saltem desiderium
concipe. 4. Meditationem de Sancto insti-
tue. 5. Selige peccatum aliquod, à quo, illo
die, aut per octavam abstineas. 6. Virtu-
tem, quâ Sanctus Protector tuus maximè
Deo placuit, per ejus intercessionem &
Christi merita pete. Tempora autem pe-
tendi sunt, in colloquio meditationis, in
fine examinis, post communionem. 7. Vir-
tutis illius tot actus elice in festo aut per
octavam, quot Sanctus vixit annos. 8.
Gratias age Deo pro beneficiis naturæ,
gratia, gloria, Sancto illi, & per illum aliis,
collatis. 9. Singulis diebus aliquid quod
cor-

corpus domet , aut voluntatem frangat,
fuscipe. 10. Non tantum proprias , sed &
communes Ecclesiæ necessitates , aut or-
dinis, Patriæ, Domûs Sancto commenda :
& quod inter omnia præcipuum es , San-
cti virtutes imitare. Hac ratione Patro-
no tuo cliens perquam gratus , dilectus &
protectus eris.

P R A X I S XI.

*Diem vocationis, vel ingressus in Socie-
tatem piè celebrandi.*

Si antiqui natales suos, quibus ad mise-
rias & mortem nati, non sine lætitia si-
guis celerabant , quod de Pharaone legi-
tur Gen. 40. De Antiocho 2. Machab.6.
De Herode. Marci 4. Quanto magis Re-
ligiosus diem nativitatis cum jucunditate
celebrabit , qua non ad vitam cum muscis
communem, sed sanctam & immaculatam
ingressus est. Cùm ablactatus est Isaac,
Abraham Pater ejus fecit grande convi-
vium Gen. 21. Matthæus die vocationis
sux fecit Domino convivium magnum in
domo suâ Lucæ 5. Quid ni & nos die vo-
cationis vel ingressus, tanquam in die ab-